

Allannguutissatut siunnersuut

uunga

**Unga siunnersuut: Ilanniartitaanernut Inuussutissarsiutinullu siunnersuisarneq pillugu
Inatsisartut inatsisaannik allannguineq pillugu Inatsisartut inatsisissaattut siunnersuut nr. xx,
xx.xxx 2018-meersoq**

Pingajussaaneerneqarnissaanut Naalakkersuisunit saqqummiussaq.

§ 1-imut

1. § 1, nr. 8-mi § 18, imm. 1, nr. 8 ima oqaasertaqassaaq:

“8) ilinniagaqarnermik aallartitsinermut qinnuteqarnermullu atatillugu ilinniagaqarnersiutinillu qinnuteqartarnermi periutsit pillugit ilitsersuineq.”

2. § 1, nr. 10-p kingornagut nutaatut nr. 11 imaattoq ilanngunneqassaaq:

“11. Inatsisartut inatsisaat imatut taaguuserneqassaaq:

“Kalaallit Nunaanni ilanniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq””

Inatsisissatut siunnersummut nassuaatit

Oqaaseqaatit nalinginnaasut.

Inatsisissatut siunnersuutip oqaasertaani kukkuneqarnerata paasineqarnera tunngavigalugu allannguutissatut siunnersuut saqqummiunneqarpoq. ”Ilinniagaqarnersiutit pillugit” § 18, imm. 1, nr. 8-miikkunnaarsimanera matumani pineqarpoq, tamannalu Kultureqarnermut, Ilanniartitaanermut, Ilisimatusarnermut Ilageeqarnermullu Ataatsimiititaliap isumaliutissiissutaanit aamma upuarneqarpoq.

Ilanngullugu Nutserisoqarfui pingaarnertut inatsisip taaguusernerani kukkusqarsimanera upuarpa, taannalu 2013-imi taaguuserneqarsimavoq.

Pissutsit taamaattut aaqqiiviginissaat siunnersummi siunertarineqarpoq.

Inatsisissatut siunnersummi aalajangersakkanut ataasiakkaanut nassuaatit

Nr. 1-imut

”Ilanniagaqarnersiutit pillugit” inatsisip oqaasertaani ilanngunneqarsimannginnera aaqqivigineqassasoq aalajangersakkami siunertarinezqarpoq. Inatsisartut inatsisaata § 18, imm. 1, nr. 7-ip maannakkut atuuttup aalajangersakkami oqaasertat assigaat, siunnersummilu oqaasertaat allanngortinniarneqanngillat.

Nr. 2-mut

Pingaarnertut inatsisip 2013-imeersup kalaallisut taaguutaa allannguutissatut siunnersummi iluarsineqarpoq.